



Komisija za očuvanje nacionalnih spomenika, na osnovu člana V stav 4. Aneksa 8. Općeg okvirnog sporazuma za mir u Bosni i Hercegovini i člana 39. stav 1. Poslovnika o radu Komisije za očuvanje nacionalnih spomenika, na sjednici održanoj od 19. do 23. januara 2006. godine donijela je

ODLUKU

I.

Historijska građevina - Vijećnica u Bosanskom Novom/Novom Gradu proglašava se nacionalnim spomenikom Bosne i Hercegovine (u daljnjem tekstu: nacionalni spomenik).

Nacionalni spomenik nalazi se na lokaciji koja obuhvata k.č. broj 504/1 (prema novom premjeru), posjedovni list broj 885, k.o. Novi Grad, Bosanski Novi/Novi Grad, Republika Srpska, Bosna i Hercegovina.

Na nacionalni spomenik primjenjuju se mjere zaštite i rehabilitacije utvrđene Zakonom o provođenju odluka Komisije za zaštitu nacionalnih spomenika ustanovljene u skladu sa Aneksom 8. Općeg okvirnog sporazuma za mir u Bosni i Hercegovini ("Službeni glasnik Republike Srpske" broj 9/02).

II.

Vlada Republike Srpske dužna je osigurati pravne, naučne, tehničke, administrativne i finansijske mjere za zaštitu, konzervaciju, prezentaciju i rehabilitaciju nacionalnog spomenika.

Vlada Republike Srpske dužna je osigurati finansijske i tehničke uvjete za izradu tehničke dokumentacije za rehabilitaciju nacionalnog spomenika.

Komisija za očuvanje nacionalnih spomenika (u daljnjem tekstu: Komisija) utvrdit će uvjete i osigurati sredstva za izradu i postavljanje informacione table sa osnovnim podacima o spomeniku i odluci o proglašenju dobra nacionalnim spomenikom.

III.

I zona zaštite obuhvata prostor nacionalnog spomenika definiran u tački I stav 2. ove odluke.

S ciljem zaštite i osiguranja uvjeta za rehabilitaciju nacionalnog spomenika, utvrđuju se dvije etape u izvođenju radova:

I etapa – Hitna zaštita od daljnjeg propadanja

Hitne mjere zaštite objekta podrazumijevaju:

- Raščišćavanje rastinja oko objekta i unutar njega sa čišćenjem unutrašnjih prostorija i odvozom šuta na deponiju;
- Zatvaranje svih otvora radi onemogućavanja ulaska u objekt;

- Interventne radove na krovnom pokrivaču s ciljem sprečavanja prodiranja atmosferilija u unutrašnjost objekta;
- Podupiranje i pričvršćivanje nestabilnih dijelova (konstruktivni i nekonstruktivni elementi);
- Postavljanje natpisa radi upozoravanja prolaznika na moguće opasnosti.

II etapa – Rehabilitacija nacionalnog spomenika

- Dopusćeni su samo radovi na statičko-konstruktivnoj sanaciji, restauraciji i konzervaciji nacionalnog spomenika uz odobrenje ministarstva nadležnog za prostorno uređenje u Republici Srpskoj i stručno nadziranje nadležne službe zaštite naslijeđa na nivou Republike Srpske.

II zona zaštite obuhvata kontaktnu zonu nacionalnog spomenika u kojoj nisu dopuštene intervencije koje mogu ugroziti nacionalni spomenik.

IV.

Stavljaju se izvan snage svi provedbeni i razvojni prostorno-planski akti koji su suprotni odredbama ove odluke.

V.

Svako a posebno nadležni organi Republike Srpske, gradske i općinske službe suzdržat će se od preduzimanja bilo kakvih radnji koje mogu oštetiti nacionalni spomenik ili dovesti u pitanje njegovu zaštitu i rehabilitaciju.

VI.

Ova odluka dostavit će se Vladi Republike Srpske, ministarstvu nadležnom za prostorno uređenje u Republici Srpskoj, nadležnoj službi zaštite naslijeđa na nivou Republike Srpske i općinskom organu uprave nadležnom za poslove urbanizma i katastra radi provođenja mjera utvrđenih u tač. II - V ove odluke i nadležnom općinskom sudu radi upisa u zemljišne knjige.

VII.

Sastavni dio ove odluke je obrazloženje sa pratećom dokumentacijom koje je dostupno na uvid zainteresiranim licima u prostorijama i na web-stranici Komisije za očuvanje nacionalnih spomenika (<http://www.aneks8komisija.com.ba>).

VIII.

Prema članu V stav 4. Aneksa 8. Općeg okvirnog sporazuma za mir u Bosni i Hercegovini, odluke Komisije su konačne.

IX.

Danom donošenja ove odluke sa Privremene liste nacionalnih spomenika Bosne i Hercegovine («Službeni glasnik BiH» broj 33/02, «Službeni glasnik Republike Srpske» broj 79/02, «Službene novine Federacije BiH» broj 59/02 i «Službeni glasnik Distrikta

Brčko BiH» broj 4/03) briše se nacionalni spomenik upisan pod rednim brojem 116.

X.

Ova odluka stupa na snagu danom donošenja i objavit će se u «Službenom glasniku BiH».

Ovu odluku Komisija je donijela u sljedećem sastavu: Zeynep Ahunbay, Amra Hadžimuhamedović, Dubravko Lovrenović, Ljiljana Ševo i Tina Wik.

Predsjedavajući Komisije

Dubravko Lovrenović

Broj: 06.1-2-278/05-2
20. januara 2006. godine
Jajce